


# Di Hinderletschte - Programm 2023

Fehlt leider



Mir chöme hüür haut nume z'zwöit  
s' isch klar, dass üs das ganz fescht röit  
mir tüe das tapfer kompänsiere  
mir hoffe das sött nümm passiere!



Der Zürcher hätt hie öppis g'seit  
das isch jetzt leider abverheit.

D Schwyz steit zur Nöitralität  
o we me gschyder öppis tät  
me tuet lieber Gäud verstecke  
s'isch gliich we anderi verrecke



We Chriege tobe ringsumhär  
de schützt üs ds frömde Militär

Es isch haut so uf dere Ärde,  
das mir alt u runzlig wärde  
hesch geng meh Müeh mit em Lose  
gsehsch nümm rächt u s' trofft it Hose.



Gas, Bänzin u Strom choscht meh  
riist es Loch ids Portmonee  
der Bläck-out isch zum Glück usblibe  
drum hei mir o nid wyter gschribe.



Das Alter, das Alter -  
wo isch da der Schalter

Als Protescht isch es di nöischti Mode  
chläbsch di uf der Strass a Bode.  
Der Erfolg isch chli beschränkt  
ou der Geischt wo's het usdänkt



U we de sött sch uf ds WC gaa  
muess dä Seich id Hose laa

Mönsche, gschyder als all Affe  
schaffe raffinierti Waffe  
bringe sich dermit gärn um -  
vilicht si Affe nid so tumm




Uf de Böim tüe si desumehocke  
ihri Waffe das si d Affe-Pocke

S'het eine ar Erotikschou  
poschtet so ne Gummifrou  
wo är se du het usprobiert  
isch das Bäbi explodiert



Sis beschte Stück das isch zur Sou  
jetz het är ds Gfüehl är sig e Frou

Mir hei nis nöii Turnschue g'chouft  
mir rede nid vom Priis  
aber we me dermit umelouft  
no fäderet's in de Fiess



Baseldiitsch in Bärn - Achtung!  
Dasch kulturelli Aneignung

Stüüre, Prämie, Mieti hie  
wär wett de Rächnige nid entflie  
stigsch i Flüger - fly-sch ewei  
zu Lüt wo fröhlech si u gar nüt hei.



Chriege, Süüche, Klimafrage  
Flüchtlings Ström - fasch nid z'ertrage  
all das Leid isch ersch verbii  
we mir Mönsche gschtorbe sii



Ou im Ussland chasch nid alles haa  
vermissisch vor allem d Cervela

Drum finde mir, es sig jetz ds Beschte  
mir gieng ad Fasnacht chli ga feschte!

Immer meh louft digital  
home office isch ganz normal  
Sitzige si nöischens g'zoomet  
üs düecht, s'wärd nume Zyt versuumet



Glii kriegt me e QR-Code  
dä wirsch nümm los bis zu dim Tod



tshou zäme das wärs für hüür